



Qilamik Nuititauyukhaq

Uqaqtakhait 2016 Hivullit Ministauyut Katimayut

Qiyaiyalirvia 2, 2016

Hivuliqtiit Yukon, Nunatsiaq Nunavunmi uqautiginahuaqtait ihumagiyaayunik ukiuqtaqturmiunit Hivullit Ministauyut Katimayunut Vancouvermi Qiyaiyalirvia 3rd.

Yukon Hivuliqtiia Darrell Pasloski, NWT Hivuliqtiia Bob McLeod unalu Nunavut Hivuliqtiia Peter Taptuna Nigiukhimayunga taima havaqatigiyaangata tamaita Hivullit Ministauyut, uqautigiyariaqaqtaqut akhuurnaqaqpiaktuq qanuriliurutikhaptingnik hilaup aallanguqtirninganut.

Ilihimaliqtugut angiyumik hilaup aallanguqtirninga mihingnakhuyuq ukiuqtaqtumi nunallaani, aviktuqnini Hivuliqtiit piyumaqaqpiaktut uuktuutikhaptingnik qanuriliurutikhaniklu nakatqingnahuarutikhanik hilaup aallanguqtirninganut tikittumayavut pinahuaqtakhavut ihumagiyaqhangitlu tadjat atuqtauliqtunik tamaini ukiuqtaqtumi aviqtuqniini.

“Ukpirriyunga tamna alunggup puyua nakuunngittuniklu aktuutiqarniaqtut inuuhiptingnut atuqluaqtauyunik Ukiuqtaqtumi. Kanatami hilaup allanguqtirutikharnik hivunikhat aulayukhat talvuuna hanaqidjutikharnik taima aulangitunik ayungnautikharnik Tununganiitunik akingit inuuhimaagianganik, ayuqhaqtinahuarnaitumik niqailiurnikkut, ayukhaqtitiyaangatluuniit aulayunik maniliukhimaqaqtunik,” Yukon Hivuliqti Darrell Pasloski uqaqtuq. “Tadja maniliurutikhat akhuurnaqaqhivallaqtuqlu ayurnaqaqhivaliapluni, uvagut aviktuqnini Hivuliqtiit uukturiaqaqtut maniliurutikhanut aktuutauyut uukturumayainik kavamangita hilaup aallanguqtirninganut qanuriliurutikhaliuktait pinahuangitkaluakhutik ihuirutinahugittutik avikturniini imaniliurutikhainut.”

Aviktuqhmaniit mikyugaluaktut kihimik anginiqaqtut aviktuqhmaniinut maniliurutikhanik inuqqukitugaluakhutik amigaitilangit mikiyuni tikinnalaitunillu nunani mikinikhayut ilangani Kanatami tamainut puyuryuangit aannianiinut ikianun. Taimattauq, hilaup aallanguqtirninganut pidjutauvaliqtuq mihingnaqtunik Ukiuqtaqtumi nunallaani. Taimaitumik kangiqhipkaiyumayut Hivuliqtiit naunaikhiyut tamarmik pingahut aviktuqhmaniini pinahuaqpaliqtut munariyakhamingnik qanuriliurutikhaniklu atuqtakhaliukhutik pihimayait mikhilaaqnahugittutgit puyut anianiit atuqtittivlutiklu halumatqiyaniq auladjutikhanut atuqtakhainut, hanayauhimayunut nakuuyullu ihuaqhaidjutikhat.

Ukiuqtaqtumi Hivuliqtiit piyumayut taimatut naunaiyattiakhimayunik maniliurutinut naunaiyarniit iniqtauyukhat nutaanut nunaryuami uuktuutikhaliuktainik hilaup aallanguqtirninganut, ilauryariaqaqtutlu naunaiyautikhanik ayungnautingnun aviktuqhimaniinun manliurutikhanut.

"Avikturviit hivuliqtiuyut talvani hilaup aallanguqtirninganut atuqtakhaliurutikhanik pidjutaungmata hivuliuyuni ayungnautingnik tadjat uliqtaqtirningnik," NWT Hivuliqti Bob McLeod uqaqtuq. "Nigiukhianiaqtugut havaqatigilugit Kavamatuqatkut Kavamait naunaiyaiyaangat Kanatami nunaryuami qanuriliurutikhaliuqtainik hilaup aallanguqtirninganut maliqayanginik aviktuqhimayuni atuqtakhaliukhimayainik."

Aviktuqhimaniini Hivuliqtiit quviahuktut uqaqatigiiktukhanut aviktuqhimaniini hivuliqtiuqatimignik tamnaluk Kanataup Angiyuqqaayuanga hivumuuqpalladjutikhaniklu havaaktaulqtunik tamainit nunagiyauyuni ihuaqhautikhaliuktainik hilaup aallanguqtirninganut ayukhautauhimaqtunut.

"Ukiuqtaqtumi Kanatap atauttimut puyuryuangit aannianiinut ikianun mikiyuyaktugaluat, akhuraluk akltuutaayunik atuqpaktugut pidjutainik hilaup aallanguqtirninganut turrangayunik hulipkaidjutainut hanaviryuangyunut nunaryuami," Nunavut Hivuliqti Peter Taptuna uqaqtuq. "Taimaitumik uqautigivaktavut naunaiyattiakhugitlu kangikhidjutikhanik atuqtakhaliurutikhaniklu, piyariaqaqtugut kangiqhipkarnahuaglugit ahiini nunaqaqtut avaliqangitunik ayungnautigiyanginik Ukiuqtaqtumi pidjuttaullayuniklu maniliurutikhaptignut atuqtakhaliuktunut qanuriliurutikhanik upalungaiyautikhatptignik hilaup aallanguqtirninganut."

-30-

Uqaqvikhaq:

Dan Macdonald
Ministauyut Katimayit Tuhaapkaiyat
Kavamangat Yukon
867-393-6470
dan.macdonald@gov.yk.ca

Cate Macleod
Aulapkaiyi Tuhapkaiyini
EIA-kuni, Sivumuaqatigiit Havakviani
Kavamangat Nunavut
867-222-0305
cmacleod@gov.nu.ca

Andrew Livingston
Kavamangat NWT
867-767-9140 ext. 11091